

- 1 Im Poschtbüro dörft blitz` s und chlöpft` s – ä Polizischt chunt z` ekle,**  
dä Pöschtlter hät vergässe s` Blatt – geschlossen – ane z` hefte.  
Ich ha drus d` Folgrig zoge, dass – über Churz` zit oder lang,  
ich uf ä soone Krimi-Poscht für langi Zit nümme gang.
- 2 S` Party-Zeltteam find – dr Hirsche Kyper Peter sig ä fräche,**  
dä aber lot sich – selbst vom Gmeindrot – nid beschtäche.  
Dä hät ihm nämlich gseit – mir zahle – gang doch eifach in di Beitz go schlafe,  
dört isch jo sowiso am achti zobe Totihose.
- 3 Der Lehrer in der Schuel frogt nach`emene Wese mit buschger Määne,**  
nach Affe, Leue, Mänsch, Kamel dä Chinder blibt nur s` Gääne.  
Der Lehrer hilft: S` tanzt um dr Häuptlingsitz – erscht wi`e ne Indianer –  
Ä Bueb schtreckt uf und schüchtern meint :Heist die ächt Brigit Zahner ?
- 4 Chürzlig si mir vor em Bahnhofbillettautmate g`schtande.**  
Hei g`schwitzt und gflu`echt und gsuecht dr Chnoff fürs Ticket Riemestalde.  
Druckt retour – männlich – singel füzfig Schtutz im Schlitz – und wie däheim uf sende,  
schtatt s`Billett – nur ä Zettel chunt: Kein Rückgeld, Zug isch weg und danke für die Schpende.
- 5 Dr Gmeindrot will uf Gmeindsgebiet dr Verkehr total sani`ere.**  
Lost kurzerhand dr Fasnacht-Bänkliputzverkehrsverein sischt`ere.  
Goot das so witer – änedret sich nüt – und zwingt eus zu der Dorf – Wett:  
In zää Johr isch di`e einzig wo, no öppis aarisst, d` Firma De Zanett.
- 6 Dä Neuzuezüger wänn mirs – nach dr letschte Neuzuezüger – Umfrog – nid verdänke,**  
dass sie nur bliebe – wenn dr Gmeindrot ihri Stüre chli tuet sänke.  
Händ ihr nid g`merkt – bi aller Fründlichkeit, Berotig, Kompetänz – vor dä Gmeinischrankä:  
Ihr nur willkomme sid – grad wägem hohe Stüürfuessfrankä.
- 7 Sit füzfzwänz Johr Fasnachtssunntig – Service söt mer füire,**  
dr Hinder Speer Wirt find ä Grund, um s`Lisi z`pension`ere.  
Doch uf dä Chnü si bittet – Brunolo mi doch nid g`heie ,  
Speer isch dr einzig Ort – wo ich vo Herzensluscht cha umeschreie.
- 8 Dr Bütschee-Plan vom WEF het dä Wirtschaftsgnome nümme erlaubt,**  
in Kawiar und Hummer Z`schwelge – nur Bündnerfleisch wird kaut.  
Dervo gerüert mit tränend Aug – hei mir euse Fraue empfohle,  
statt Serwela bim Hager künftig – bim Vögeli Bütschee-Speck go z`hole.